



25-02-2019

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

1. Naalackersuisut siunertarinerlugu UKA2016/60-mi Inatsisartut aalajangiinerat malissallugu attartornermut akiliutip siunissami qaammatip naanerani ullormi kingullermi akilerneqartalersillugu? Taamaassimappat tusarusuppara tamatumap qaqugu pisalernissaa Naalackersuisut naatsorsuutiginaat.

(Inatsisartunut ilaasortaqaq Justus Hansen, Demokraatit)

Tungavilersuut

Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 38 imm. 2-mi allassimavoq attartornermut akiliut kingusinnerpaamik akiliiffissap kingulliup qaangiunnerata kingorna ulluinnaat pingajuanni akilerneqarsimassasoq.

Tamanna tunggavigalugu aalajangiiffigisassatut siunnersuummik saqqummiussivunga (UKA2016/60). Siunnersuut taamani tamanit akuerineqarpoq.

Ajoraluartumilli aalajangiiffigisassatut siunnersuut piviusunngortinneqanngilaq 2018-mi upernaakkut qinersinissaq sioqqullugu, taamaasillutik Naalackersuisut pisussaaffeqanngillat piviusunngortitsinissaminut. Neriuppungali Naalackersuisut nammineq piumassutsiminnik siunnersuut piviusunngortissinnaajumaaraat. Uanga nammineq takusinnaagakkut tamanna arlalinnik iluaqutissartaqartoq.

Siullermik attartornermut akiliut akilerneqassaaq attartortup kontomini ooriuteqarnerani, akissarsiat pisortallu ikiorsiissutaat tunniunneqartarmata qaammatip naannginnerani aningaaseriviup ammaffiani ullormi kingullermi. Taamatut siunnersuuteqarnerup siunertaraa innuttaasup akiligassamigut kinguaattortinnginnissaa.

Aappaatut qularnaarniarneqarpoq - pisortat namminersortullu - piffissaq eqqorlugu akilerneqartarnissaat, taamaasilluni tuavisaarutinut - anisitsinernut il.il. taakku aningaasartuuteqartariaarullugit. Isertorneqassanngilarmi innuttaasut pisortanut akiitsui amerlavallaarujussuarmata. Manna siunnersuut pisortanut akiitsunik qaffatsaaliueqataassaaq, attartornermut akiliut ilanngaatigineqartartussaammat maannamut naleqqiullugu inuit kontominni sulii aningaasaateqarneranni.

Tamanna tunggavigalugu peqqutima ullut suliffiit naliginnaasut qulit iluanni akineqarnissaa kissaatigaara.